



D. O. M.

THESES ANATOMICÆ

ET

CHIRURGICÆ.



RO diverso sexu, varii morbi. Non tantum
exquisitâ & concinnâ corporis dispositione, oris
venustate, morum leporibus, societatis amœ-
nitate, à maribus discrepat sexus amabilis;
hunc quoque debiliorem impugnat peculiaris
morborum cohors, ipsisque in partibus, gene-
rationis mysterio dicatis, fato quodam inelucta-
bili, propriam frequentius constituit sedem. Graviora inter hæc
mala, quibus fors atra premit femineum genus, uteri Polypus me-
rito annumerandus. Hujusce morbi descriptioni Anatomicam
Muliebrium expositionem præmittere juvat.

EX ANATOMIA.

I.

INTERNA & externa ritè censentur Mulierum genitalia: Hæc citrà sèdionem facîle conspicienda; Nempè Pubes, Monticulus veneris, Labia, Frænulum, Vulva, Scapha, Perinæum, Nymphæ, Carunculæ myrtiformes, Clitoridis extremum, Urethræ Vaginæque orificia. Harum ce partium descriptioni, utpote mutili, nostroque instituto minùs necessariæ supersedemus.

I I.

CÆTERIS ex partibus internis prima occurrit vagina, à Pudendis ad uterum usque expansa: hæc, Rectum inter & Vescicam urinariam medium obtinens locum, cum illis connexa, pro usu, ætate, mulieris statu, modò longior, modò latior aut angustior, plurimis conflatur membranis: Prima, à cellulari peritonæi textu oriunda, alteri musculosæ, fibrisque circularibus constanti, subternitur. Nervosam dicunt internam, quæ magis extensa, foraminulisque pertusa, plurimas efformat rugas, in virginibus conspicuas, in mulieribus verò ut plurimum oblitteratas.

I I I.

In supremâ vaginæ parte hiat Uterus. In pelvi hypogastricâ (a) situs, piri depressi figuram, in graviditate tamen mutandam non malè referens, fundum superiorem paululumque posteriorem, cervicem verò inferiorem habet & anteriorem: Uteri substantia mollis, crassior, cellulosa, fibris vasculosis, carneis & extensilibus constituitur, obtinetque cavitatem, in statu naturali, minorem ferèque triangularem, pro variis verò casibus, mirum in modum dilatandam.

I V.

TRIPLICI foramine pervius est Uterus. Unum inferius;

(a) Variis de causis natus mutari potest uteri situs, ut ex Polypo, verbi gratiâ, graviditate præter naturam, prolapsu, inversione, &c. Vid. Ruyfch. Obs. Anat. Chir. cent. Obs. 88. Riolan. *Anthropogr. Lib. 2. C. 35.* Heister. *Ephem. Acad. Nat. Cur. cent. 5 & 6. Obs. 86.*

maius, oblongum, in ipsâmet uteri cervicē; intrâ vaginam protuberanti conspicuum, dat orificium uterinum, ex peculiari conformatione à quibusdam *os tinæ* nuncupatum. Alia verò superiora, minora, lateraliter in fundo uteri patentia. Tubis hiant Fallopiânis.

V.

REGIONIBUS iliâcis, Tubis Fallopiânis, necnon & Ovariis; mediantibus ligamentis latis, ab expansione peritonæi productis, connectitur uterus. Anteriùs verò, per ligamenta teretia, à parte superiori & anteriori orta, ex abdomine per annulos Musculi obliqui majoris prodeuntia, Pubi adhæret.

V I.

E PARTIBUS uteri lateralibus emergit ductus membranaceus, oblongus, non recto sed rugoso tramite recedens, quî primò angustior, postea latior, deinceps in extremo rursum coangustatus, dat corpus fimbriatum.

V I I.

PROXIME repertiuntur duo corpora albicantia, serè ovata; supernè gibbosa, infernè plana, cum utero, non tantum ligamentis latis, verum etiam ligamento peculiari, minori, tereti, à Veteribus pro vase deferente perperam habito, connexa. Hæc plurimis membranis, textu spongioso vesiculisque conflata, à quibusdam Testes muliebres, à cæteris ovaria vulgò nuncupantur;

V I I I.

A NERVO sympathico majori paribusque sacris Nervos; ab Aortâ iliâcisque internis Arterias mutuatur uterus. Venæ verò, Arteriarum spermaticarum soboles, in venam cavam & emulgentem, pro diverso latere, sanguinem deponunt; & aliæ, ab iliâcis internis, venas versùs iliâcas derivantur.

E X C H I R U R G I A.

I.

TUMOR quilibet fungosus, carnosus-ve, aut carneam saltem mentiens indolem, ut plurimum piriiformis, interdum serè glo-

4

bosus; ex ipso uteri sinu; orificio uterino; aut vaginâ; mediante pediculo, propendens, ob similitudinem cum Polyporum & faucium, Polypus rectè (a) vocatur.

I I.

QUI muliebria occupant Polypi, exteriusque prodeunt nomine Caudæ vel *Cercosis*, apud quosdam (b) notantur. Cauda autem sive *Cercosis* à plurimis (c) habetur nimia clitoridis excrecentia. Cum verò hos inter morbos discrimen sanè addit ratione sitûs, indolis, figuræ, accidentium, hinc ipsos jure ac meritò facillè distinguendos putamus: hincque Molam uterinam pediculo pendulam, excrecentiamque quamlibet fungosam, carnosam-vè, ab utero, uterî osculo, aut vaginâ penilem, pudendumque muliebre replentem, exterius licet aliquandò Caudæ progressum mentiatur, ad Polypum nunquam non referendam esse judicamus.

I I I.

INTER hujusce Polypi causas recensenda quæcunque textum uterinum erodere, vasa sanguifera coardare, vasculorum tonum vim-ve elasticam dejicere queunt, æquilibrumque hos inter tubos succosque permeantes necessariò requisitum interturbare: Nempè, compressiones locales & constantes, ulcuscula, peculiâresque interioris vaginæ uterique membranæ disruptiones,

I V.

HIS ex causis, fungosæ ut plurimùm suboriantur excrecentiæ, primò quidem exiles, quarum verò incrementum semper petendum ab extensione aut dilatatione varicosâ, atoniâque

(a) Sic jam jam sensere Ruyschius Obs. Anat. Chir. cent. Obs. 6. Schurrius Muliebr. Hist. Med. Sect. 2. Cap. 1. Fred. Hoffman. Dec. 2. Diss. 3. de ignoratâ uteri structurâ multorum in Medicinâ errorum fonte §. 17. 18. 19. Magist. Levret in egregio libello gallicè inscripto. *Observations sur la cure radicale de plusieurs Polypes de la Matrice, de la Gorge & du Nez.*

(b) M. A. Severin. Med. effic. Part. 2. Cap. 94. p. 265. Aërius Libr. 4. Serm. 4. Cap. 104. Paul. Lib. 6. Cap. 7. Albucasis. Libr. 2. Cap. 71. Valentini. Chirurg. Sect. 3. Cap. 9. Jonston Med. pract. Libr. 10. Tit. 11. Cap. 1. Art. 1. Dionis Oper. Chir. Demonstr. 3. p. 282.

(c) Varandæus de Morb. Mul. Lib. 1. Cap. 13. Mercurialis. de Morb. Mul. Libr. 4. Cap. 30. Schenckius. Obs. Med. de Genital. Mul. Ingrassias. Libr. de Tumorib. p. 273. Israel Spach. Gynæcol. fol. 286. Platerus Obs. Med. Libr. 3. Zacut. Lusitan. Prax Med. admirab. Libr. 2. Obs. 91. Schurrius Mul. Hist. Med. Sect. 2. Cap. 1. Dictionar. Medic. in verbo, *Cercosis*.

5
Vasculorum a quibus liquores affluentes debitum non experiuntur renixum; resque ferè sic se habet, ac in illà enormi quæcariem humidam subsequitur hyperfarciosi, vulnera-ve pure depravato perfusa.

V.

NOTANDUM quidem hosce Polypos originem suam duntaxat ab affecto uteri vaginæ-ve punctulo ducere, ex quo carnea, ut ita dicam, gemma enascitur, quæ sensim ac sensim, major, resistentiæ defectu, nanciscitur incrementum. Ideoque horum fungorum moles, quotidiano licet auditu major ac major facta, gracili exiguoque plus minus-ve pediculo, læsæ uteri particulæ tantum adhærescit. Proinde sub hocce respectu, fungosa uteri excrescentia ritè posset censerì velut quædam carnis luxuriantis hernia, ex dilatatione aut extensione immodicâ vasculorum, faciliiori jam tum humorum affluxu infarctorum exorta.

V I.

SITU, structurâ, indole, symptomatibusque discrepant Polyp. Hinc alii, ut jam innuimus, ab ipsomet utero, orificio uteri, aut vaginâ, originem suam fortuntur: alii fungosi, cavique (a). eamoli, schirrosive deprehenduntur: alii denique dolent, inflammantur, exulceratione & gangrænâ corripuntur, sanguinem fundunt, saniem, ichorem-ve, aut his non tentantur accedentibus; quæ quidem differentiæ ex signis & symptomatibus petendæ.

V I I.

PRÒ variâ in Genitalibus sedè Polyporum, variâ difficilior, que nonnunquam diagnosi. Qui ipsomet uteri fundo adnascitur Polypus, frequentior (b) habetur. Primò quidem delitescit hæc excrescentiæ uterinæ species; pedetentim verò per dies adèò augetur, ut haud rarò graviditatis faciat suspicionem (c), ac sæpius in vitâ fundis reperiatur. Si autem quâcumque de causâ, ampliatur uteri orificium, vel etiam, auditu peculiari uteris motu & constrictione, ex sinu proprio elidatur Polypus, vaginamque versùs prolatur, mox compressis venis disruptisque sequitur sanguinis profusio major vel minor, assidua perio-

(a) Saviard. Obs. Chir. 36. Levret Libr. mod. laudat. p. 31. 46.

(b) Ephem. Nat. Cur. Cent. 9. Obs. 23. Cent. 10. Obs. 23. Fred. Hoffman. Dec. 2. Dissert. 2. de Ignor. uter. struct. §. 18. &c. Saviard, Obs. Chir. 36. Aquapend. Oper. Chir. Cap. 35. Levret. Obs. de Polyp. mod. laudat.

(c) Fred. Hoffman, logo citato. §. 13.

dica-ve, cujus causa tactu facile dignoscenda (*). His accedit nonnunquam fluor albus, immodicus, humoris aquosi & acrioris, tumor primò indolens, pruritu ac inflammatione & livore interdum corripitur, veramque postea carcinomatis naturam induit (a).

V I I I.

MINUS frequens qui cervicem uteri obsidet Polypus. Jam verò hic vel in ipsamet cervice intrà orificium (b), vel in orificii ipsius margine (c) sedem suam extùs obtinet. Prior exploranti digito ad uterum usque aditum quidem cedit, motum verò circularem digiti impedit, rarioremque experitur hæmorrhagiam. In posteriori autem casu liberum, sed obliquè inclinatum tactu percipitur orificium uteri; pediculo gaudet crassiori tumor faciliùs increscens, rarioraque exoriuntur symptomata.

I X.

IN ipsamet vaginà perrarò adnasci solent Polypi. Ex ipsius membranà interiori, rugis-ve (d) elongatis propendent; tactu visuque facile percipiuntur, tantamque sæpiùs adipiscuntur molem, ut circa pudenda delabantur, atque uteri prolapsum mentiantur. Cæterum quo pacto ab uteri prolapsu & inversione, aliisque pudendorum tumoribus distingui queant Polypi, à læsâ partium actione mechanicâ, symptomatibusque peculiaribus petendum.

X.

PRO variâ Polyporum indole, causâ, situ, & accidentibus; instituenda prognosis.

* Digito tunc in vaginam intromissò percipitur corpus piriforme, cujus apex intra uteri orificium prominat. Levret Libr. mod. laudat. §. 1. Part. 1. p. 48.

(a) Tulpii Obs. Méd. Libr. 3. Cap. 33 & 34. Silvaticus. Cent. 4. Confil. 66, 67. Bartholin Cent. 2. Hystor. Anat. 58. Hildanus, Cent. 2. Obs. Chir. 52.

(b) Poterii insign. curat. & singul. Obs. Cent. 3. Cap. 47. Act. erudit. Leipsiens. ann. 1696. Hildan. Cent. 1. Obs. 66. Viç. Trincavel. Lib. 11. Cap. 15. Aretæus acut. Lib. 2. Cap. 11. Bierlingius. Miscel. Nat. cur. Dec. 1. Ann. 2. Obs. 208. Segerus. idem. Dec. 1. Ann. 2. Obs. 121. Stalpart, Vanderwiel Obs. rar. Cent. 1. Obs. 87. Kerckring. Spicileg. Obs. Anat. 53. Silvatic. & Bartholin. loc. cit. Levret. Lib. laudat. pag. 49. Ruysch. Obs. Anat. Chir. 6.

(c) Riolan. Enchir. Anat. Lib. 2. Cap. 36. Commerc. Litter. Norimberg. ann. 1732. Hebdomad. 33. Ruysch. Obs. Chir. 6. Poter. Obs. sing. Cent. 3. Notâ in Cap. 46. Levret. loc. cit. pag. 57.

(d) Act. Berolin. Dec. 2. vol. 5. Hist. Acad. Reg. Sc. Paris, ann. 1705. Van Meeckren Obs. Cap. 54. Plamer. Institut. Chirur. §. 1446. Ephem. Nat. cur. dec. 2. Ann. 10. Obs. 181. Levret loc. cit. pag. 146. Riolan. Enchir. Anat. Lib. 2. Cap. 36. Bartholin Hist. Anat. Cent. 2. Hystor. 58. Gorter. Chir. rep. Lib. 12. C. 6.

Ad Polyporum curationem tanquam præcipua apud autho-
res & prædicos collaudantur media, sectio, avulsio distortio-ve-
tusio, ligatura. Non æquè tuta varia hæc præsidia, licetque se-
liciores quandoque habuerint exitum, iis ligaturam (*) esse
anteponendam felix certiorque comprobatur experientia (a). (**).

X I I.

SCALPELLUM feliciter adhibitum plurima probant obser-
vata; (b) quantum verò periculi imminet ex hæmorrhagiâ diffi-
cilius sistendâ patet ex observatione Zacuti Lusitani (c) aliisque.
Unde nunquam adhibendum concludimus.

X I I I.

Uteri pediculus gracilis, exiguus, brevis, vaginæque aut
orificio uterino extus adnatus comperitur, tanquam certior apud
quosdam habetur avulsio (d) distortio-ve repetitis vicibus cele-
brata (*). Pediculus autem, in hoc casu, forcipis ope jam tum
arripiendus, ne huius distortio, cautè licet tractata, ultra pri-
marie Polypi adhæSIONIS punctum protrahatur. Ipsam verò, li-
cèt feliciter cesserit, vix tentandam censemus.

X I V.

A POLYPI uterini curatione prorsus removeantur cateteria

(*) Ligature succedanea habeantur varia hæc media à Junckero Consp.
Chirurg. Tabul. 32. M.M. De la Faye (*) Puzos ad Polypi pediculum gradatim
perstringendum, tandemque planè strangulandum excogitata: forsitanque hæc
præponenda foret Methodus, ubi pediculus ad schitrum tendens, renitens,
ligaturæque indocilis (*) Vid. Levret opus de Polyp. pag. 458. & tabul. 6. fig.
1, 2, 3, 4, 5, 6, 7, 8.

(a) Stalpart Vanderwiël, Obs. Cent. 1. Obs. 87. Wierus. Libr. 1. pag. 942.
Poterii Obs. & cur. Cent. 3. Cap. 46. Mauriceau Obs. 33 & 145. Jonston.
idea. univ. Medic. Libr. 10. Tit. 11. C. 1. Art. 1. Dionis Operat. Chir. De-
monstr. 3. pag. 282.

(**) Quomodo instituenda sit Polypi ligatura, ex ingeniosis à M. Levreti
mediis propositis deducendum ex Lib. laudato, pag. 65. & seq.

(b) Aëtius Libr. 4. serm. 4. Cap. 104. Tulpus Obs. Med. Libr. 3. Cap. 33.
34. Dionis Oper. Chir. Demonstr. 3. Aquapend. Chir. Cap. 85. Water Dis-
sert. de Sarcomat. ex pusend. Sectio, 1728. Platner. Chirurg. 5. 1447.

(c) Prax. Med. Libr. 2. Obs. 86.

(d) Dionis Oper. Chirurg. Demonstr. 3. pag. 282. Miscell. Nat. Cur. Dec. 1.
ann. 2. Zuinger. Obs. 186. Heister Chirurg. Cap. 150. Juncker Conspec. Chir.
Tab. 101.

(*) Sic leviori, sed continuâ eundem versùs locum pediculi distortionè
Polypum uterinum radicibus evulsit Mag. Boudou hujusce Collegii, cum vi-
veret, Magister, primariusque Nosocomii Parisiensis Chirurgus.

8.

a quibusdam propofita: (a) fanè tunc crudelia, incerta, diffi-
ciliſque adhibenda demonſtrantur.

X V.

INTER rariora habeatur ſpontanea Polyporum excretio (b);
felix quidem iſtud naturæ molimen (**): an verò huic ſit ab-
ſolutè permittenda curatio, viderint periti rerum Chirurgicarum
æſtimatores.

X V I.

DIÆTA tenui, remediisq; internis aut externis; pro re-
natâ variis, curationi perfectæ providendum.

(a) Verduc Patholog. Chirurg. Cap. 42. Celfus Lib. 6. Cap. 18. N. 11.
Volterus, Schola obſetricum. Juncker. Conf. Chirurg. Tabul. 101.
(b) Marcel. Donat. Med. Hiſt. mirab. Lib. 4. Cap. 25. Rhodius Cent. 3. Obſ.
53. Frederic. Hoffman loc. cit. §. 19. Ruysch. Anat. Ch. Obſ. 8. Mauriceau de
Partu. Tom. 2. Obſ. 33. & 145. Levret loc. cit. Obſ. 6. pag. 42.

(**) Polypus utero adnatus, intensiori ſyſtaltico, ſeu conſtrictione uteri
motu ac robore, è ſinu interdum proprio exturbatur. Strangulato ſubinde,
mediante oriſicii elatere, tumoris pediculo, ſuccorumque circuitu planè præ-
pedito, gangrenâ correptus, ſeu alimenti defectu marceſcens Polypus, ſpontè
deſidens, ſeu fruſtatim, ſeu in totum prolabitur.

*Has Theſes, DEO JUVANTE, & præſide M.
PRUDENTIO HEVIN, Liberalium Artium &
Chirurgiæ Magiſtro, Conſiliario & Sereniſſimæ Delphinæ
Proto-Chirurgo, Therapeutices Chirurgicæ Profefſore,
Demonſtratore Regio, Academiaſum Stockolmienſis
& Lugdunenſis Socio &c. tueri conabitur ANTONIUS-
GUILLELMUS LACHAUD, Pariſinus, in almâ Pariſienſi
Artium facultate Magiſter.*

P A R I S I I S,

IN REGIIS CHIRURGORUM SCHOLIS.

*Die Veneris 27^a. Julii anno Salutis 1753. à ſeſqui-ſecundâ
poſt meridiem ad ſeptimam.*

P R O A C T U P U B L I C O
E T M A G I S T E R I I L A U R E A,

Typis FR. DELAGUETTE Chir. Collegii Typographi.